



Luhambo lwesikolo saseTiga

Notozi Mgobozi

Siswati



Luhambo lwesikolo saseTiga

Ibhalwe ngu Notozi Mgobozi
Umdvwebi ngu Dale Blankenaar



Umhumushi Roster Chambale

Bafundzi basesikolweni saseMsogwaba balungisela kuvakashela eManyeleti. Ngembi kwemaholide asehlobo, bacelwa kulungiselela loluhambo, kepha thishelanhloko akakabatjeli kutsi bayohamba ngani kuyofika kuleyondzawo. Wabese umemetela kutsi kutawuhamba bafundzi beLibanga lesitsatfu kuphela. Lesimemetelo sidvumata labanye bafundzi.



Labanye bafundzi bebangakajabuli futsi
bangakeneliseki ngobe thishelanhloko utsite
basesebancane kutsi bangavakasha nekutsi
batawutfola litfuba ngemnyaka lolandzelako.
Tikolo nativalela emaholide ekuphela kwethemu,
bafundzi beLibanga lesitsatfu bacala kubalela
phansi emalanga, kuyofika kumaholide ethemu
lelandzelako lapho batobe batsatsa luhambo.

Bafundzi beLibanga lesitsatfu
bebajabule kakhulu
nasekusondzela sikhatsi
kangangekutsi labanye
bebangasakhoni
nekulalela egumbini
lekufundzela
ngenjabulo.



Thiselanhloko akamange abatjele kutsi
batawuhamba ngendiza kuya eKapa nekutsi
indiza batoyigibelela esikhumulweni setindiza
eKruger Mpumalanga International.

Lesimanga besentelwa kunciphisa tindleko
tekutsenga umphako ngabe bahambe ngebhasi.

Bonkhe bacala kutigcabha ngaloku batali
babatsengele kona kulungisela luhambo.



Bafundzi batjelwa ngeMsombuluko, kusele lilanga linye kutsi bahambe kutsi bangatsengi umphako wendlela. Ngelilanga lebahamba ngalo, wonkhe umuntfu bekajabulile nababona ematekisi lamabili abalindzele emagcekeni esikolo ekuseni. Bebapheleketelwe batali bambatse tingubo ngobe bekubandza ekuseni.





Labanye babo bebatfwelele tingubo letisindzako
naloku batali bebati kutsi akukafaneli batfwale,
bebavunyelwe kutfwala sikhwama kuphela
kumbe liputumende letimphahla tabo.

Bagibela ematekisi emagcekeni lesikolo, nakuya
sebahamba baya esikhumulweni setindiza
eKruger Mpumalanga International.

Bonkhe bamangala ngobe kute lobekati kutsi
batawuhamba ngendiza kuya eKapa.

Labanye babo bacale bakhala ngobe basaba
indizamshini nekuhamba etulu emoyeni.



Bothishela babamatasatasa batfulisa bantfwana
labakhalako labasaba kuyogibela indizamshini.

Thishelanhloko wabakhuta, wabasabisa ngekutsi
batawuboshwa maphoyisa nabakhala.

Batfula bonkhe bangena esikhumulweni
setindiza bacalata yonkhe indzawo,
bamangaliswa tintfo lebatibona kwekucala.

Labanye bebahlekelela ngenjabulo.



Kutsite indiza nayifikile, bafundzi bahamba
ngemugca bayogibela.

Labanye bese bahleli endizeni basitwe basiti
betindiza, bababopha nemabhande ekuphepha.

Labanye bese bahleli basacalata nekumangala,
babukeka bangakajabuli batfukile.

Lesikhatsi sekusikhatsi sekutsi indiza isuke,
umsiti wasendizeni wema ngaphambili endizeni
akhombisa ngetandla imisetfo yendiza levamile.

Lundi loneminyaka leyimfica bekaphetse
sifwebuli atfwebula tiffombe. Umsiti wetindiza
wamtjela kutsi akahlale phansi, abophe libhande
ngobe sikhatsi besingavumi kutsi angatsatsa
tiffombe. Lundi wahlala phansi abukeke
advumele nesifwebuli sakhe entsanyeni.
Ngesikhatsi indiza isuka phansi emhlabatsini,
labanye bafundzi bacala bakakhala basaba.
Batfuliswa basiti betindiza kanye nalabo
bebahleti nabo.



Lomunye umfana lobekahleli ngasefasiteleni bekamemeta akhomba ngaphandle kwelifasitelo atsi, "sindiza ngetulu kwelilwandle, sitawuminta." Bebatfulile bonkhe babuka ngemafasitelo. Sonkhe lesikhatsi, Lundi bekafihle liphakethe ligcwele kudla. Wabita labanye wabamema kutsi badle. Watsi, "buyani sidle, mine sengilambile."



Bamcela kutsi ahlale phansi avale leliphakethe
lekudla kwakhe ngobe batawubanika
kwekubambisa. Labanye bafundzi bebahleka
ngalesikhatsi thishela wakhe amkhuta.

Lundi watitjela kutsi utokudla lokudla
kwakhe nakafika eKapa. Babese babanika
kwekubambisa badla ngenjabulo.



Indiza yafika esikhumulweni setindiza saseKapa.
Labanye bafundzi bebajabulile, bamile babuka
ngemafasitelo.

Labanye bebasatfukile babanjwe ngulabanye
bagibeli ngetandla babehlisa etitepesini.

Baya kuyolandza imitfwalo yabo ebhandeni
lemitfwalo bamemeta nangenjabulo.

Bekunebhasi ibalindzile endzaweni yekupaka.



Bafundzi bebatfukile futsi bajabulile balwela tihlalo ebhasini, bonkhe bebefuna kuyohlala ngasefasiteleni kute babone kahle i Cape Town. Bafike e Blue Moon Hotel lebukene nelulwandle e Sea Point. Behla ebhasini, nguloyo naloyo watsatsa umtfwalo wakhe. Labanye bese bakhumule netimphahla sebalungele kuyongena elwandle bayobhukuda. Lwandle wabakhuta watsi “sicela ningajahi kuyongena bangane, leli lwandle akusiwo umfula”



“Thishela bamise!” kusho Sonile. “Loku akusiwo umfula, nitawuminta.”

Tisebenti tasehhotela tabangenisa emakamelweni abo lapho bebalala ngababili.

Bebajabulile futsi babuka ifenisha nemaphasela ekubemukela emakamelweni abo.

Emva kwesikhashana, bababitela ekamelweni lekudlela bayodla kudla kwakusihlwa.



Bonkhe bagijimela tihlalo letikahle etafuleni
lesidlo sakusihlwa. Bebangati kutsi bayokhetsani
ngoba konkhe lokudla lebekuphekiwe
bekungaketayeleki kubo. Tisebenti tasehhotela
betibasita ngekubakhetsisa kudla tibaphakela
etitjeni tabo.

Emva kwekuvakashela tonkhe letindzawo leti
bebahlele kutibona, balungisela kubuyela
emuva ekhaya.



Bafundzi nabothishela bagibela ibhasi leya esikumulweni setindiza, bagcoke ematilekisudu. Bagibela indiza banekukhatsateka lokuncane, bandiza babuyela emuva eKruger Mpumalanga International.

Behla endizeni bagibela ematekisi labuyela ekhaya bajabule kakhulu, sebajahe kufika emakhaya batewucoca ngaloku lebakubonile. Banika Lundi ligama lesiteketiso batsi nguMphako.

Bonkhe esikolweni bebajabulile babemukela kahle. Bafundzi baletinye tigaba bese balangatelele litfuba labo eminyakeni letako.



EMAVI EKUBONGA

Ibhalwe ngu

Notozi Mgobozi

Umdvwebi ngu

Dale Blankenaar

Umhleli 1

Ntombi Kayise Njadayi

Umhleli 2

Nelisa Mviko

Umhleli 3

Nopasika Xapa

Umhleli wetifombe

PixelPing Design

Mhumushi

Roster Chambale

Mcinisekisi welizingasimo

Patricia Faith Mathe



ISBN 978-0-638-00756-5



basic education
Department:
Basic Education
REPUBLIC OF SOUTH AFRICA

